



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
А П Р Е Л Е Н Ъ
18-це чи
43 (1339) №

ЛИСИ: 11-це ие,
12 № ковс

Успешнасто прядомс тонавтнема иенть

Ютась уш пель ковдо ламо седе мейле, кода школатнесэ ушодовсь тонавтнема иенть 4-це четвертесэ, решающей четвертесэ. Сон карми решамо целанек тонавтнема иенть успешенэ. Те четвертестэнь школанть икеле аштить пек серьезной задачат: прядомс учебной программатненъ, повторить колмо четвертень перть ютазь материалонть, анокстамс проверочной испытаниятненъ.

Школьной комсомольской организациятненъ почетной тевест—весе вийсэ бороцямс неть задачатненъ топавтомас кис. Эрва чинь роботасост сынь должны руководствоваться ВЛКСМ-нь ЦК-нь X-це пленумонь решениятнесэ, косо витьсэ мерезь, што школасо комсомолетнэнь роботаст неяви сень эйтэ, кода ладязь учебно-воспитательной роботась тонавтицянтненъ ютксо.

Мезе эрви теес школьной комсомольской организациятненъ тонавтнема иенть успешнасто прядоманзо кис? Васняк, лездамс учителентень успеваемостень кепедемасо истямо ладсо, штобу четвертень прядовомантень аволь кадово вейкеяк тонавтиця берянь отметка марто. Тень кис ламо школава кадовиця тонавтицянтненъ комсомолетнэ организавать ялгань лескс. Но башка комсомольской организациятне тесэ нолдасть покш ильведевкст. Истя, примеркс, Зубово-Полянской районь «Дубитель» заводонь средней школасонть кадовиця тонавтицянтненъ формальна кемекстызь отличниктненъ, но а проверить, кодамо ладсо отличниктне лездыть лавшо тонавтицянтненъ, месьт тейнить эйкакштне урокто мейле, а кирдить кодамоак связь сынт тетяст-аваст марто. Самай секе тосо 284 тонавтицясто 84 усковить пуло песэ.

Комсомолетнэ должны неемс, мезе меши кадовиця тонавтицянтненъ витемс эсь берянь отметкатненъ ды шкасто лездамс тензэ. Тень коряс вадря пример невить Саранской районь Посоп велень средней школань комсомолетнэ. Сынь учительтненъ марто вейсэ ванкшнызь кадовиця тонавтицянтненъ кудонь условияст ды неизь, што кой-конатненъ эйтэст, кода Тужилкинэнь, арасть кудосо возможностензэ анокстамс испытаниятненъ. Сестэ комсомолетнэ аравтеть вопрос школань дирекциянт икелев седе, штобу сон истят тонавтицянтненъ туртов явоволь школасо кабинет, косо бу сынь кармавольть повторять ютазь материалонть.

Комсомолетнэнь эрви бороцямс школанть, учителенть ды тонавтицянт чёткой, планомерной роботаст кис, школьной режимень ды распорядоконь калавтомань фактнэнь каршо. Теньсэ сех покш ролезэ должен улемс учителенть-комсомолетнэ. Сонензэ эрви весе вийсэ тюремс штурмовцинань разновидностненъ каршо, конат еще нейгак муить тарка кой-кона школатнесэ. Вана Игнатовской средней школасонть ютазь материалонь повторениянт кадныть 4-це четвертень мельсэ читнес.

А эрви ней тонавтицянтненъ пек загружать общественной роботасо, олякстомтомс сынт лишной заседаниятненъ эйтэ. Весе меленть явомс тонавтицянтненъ! Эрва комсомолетнэсэ должен лездамс тонавтицянтненъ организовамс сынт трудост школасо ды кудосо, седе вадрясто использовать учебной шкант.

Карматано бороцямс сень кис, штобу тонавтнема иенть прядомс ансяк паретэ ды отличнасто.

И. В. Сталин ялгантень япониянь иностранной тевтненъ министронт иосукс мацуока господинэнт телеграммazo

ЕГО ПРЕВОСХОДИТЕЛЬСТВАНТЕНЪ СТАЛИН ГОСПОДИНЭНТЕНЪ

Москов, Кремль.

Мереде монень ёвтамс Ваше Превосходительствантень монь пек покш пасибам седейшкава примамонть кис, конань Тынь истя пек вадрясто тейнк монень.

Течи подписанной пактось ашти, икелевгак, Тынк покш проинципательностенк результатокс ды мон кеман, што те пактось карми улеме кавонест минек нациятненъ туртов вдохновениянь источниккс внешней политикант ютавтомасо, кона течень чистэнт сазь карми характеризовомо взаимной довериясо ды дружбасо.

Мон арсян Ваше Превосходительствантень шумбрачи ды счастья.

Иосукс Мацуока.

Ярославль, 1941 иень апрелень 13-це чистэ.

япониянь иностранной тевтненъ министронт иосукс мацуока господинэнт И. В. Сталин ялганть телеграммazo

Омск ош.

япониянь иностранной тевтненъ министронт иосукс мацуока господинэнт

Пек признательностя Тынень Тынк ёвтазь меленк кис ды бажамонк кис седе товгак развивать минек мастортнэнь ютксо отношеният взаимной довериянь ды дружбаень основанть лангсо. Кеман, што СССР-нтъ ды Япониянт ютксо теезь пактось вадрясто карми служамо те важной исторической задачантень.

Арсян Тынень, господин Министр, шумбрачи ды успех.

И. СТАЛИН.

Москов, 1941 иень апрелень 15-це чистэ.

Мордовской АССР-нь Верховной Советэнь 1-це созывень V-це сессиясь



Мордовской АССР-нь Верховной Советэнь V-це сессиясонть. СНИМКАСОНТЬ: МАССР-нь Верховной Советэнь депутатнэ (керж ёндотит) М. Е. Пиксайкина, А. В. Морозки на, Т. Г. Гагина ды В. И. Зубрилин кортвить перерывсэ.

Фотось К. Касперэнь.

ИНФОРМАЦИОННОЙ СООБЩЕНИЯ

Мордовской АССР-нь Верховной Советэнь 1-це созывень V-це сессиянт апрелень 15-це чинь васенце заседаниядонзо

Апрелень 15-це чистэ, чокшнне 6 часотс, Мордовской АССР-нь Верховной Советэнь заседаниянтненъ залсонть панжовсь Мордовской АССР-нь Верховной Советэнь 1-це созывень V-це сессиясь.

Сессиянт панжизе Мордовской АССР-нь Верховной Советэнь Председателсь В. П. Петушков депутатсь.

Сессиясь ве мельсэ кемексты чинь истямо порядок:

1. 1941 иентень Мордовской АССР-нь государственной бюджетэнт кемекстамось ды 1940 иенть кис Мордовской АССР-нь государственной бюджетэнт топавтомасо отчетонт кемекстамось.

2. Мордовской АССР-нь Верховной Советэнь Президиумонь Указтнэнь кемекстамось, конат примазь IV-це ды V-це сессиянтненъ ютксо шкастонть ды конат подлежат Мордовской АССР-нь Верховной Советэнтненъ кемекстамос.

Васенце вопросонть коряс докладтейсь Мордовской АССР-нь Финанстнэнь Народной Комиссарось И. Д. Кольчугин ялгась.

Кольчугин ялганть докладтонзо мейле депутатнэ кунсолызь Бюджетной комиссиянь председателенть К. И. Мишин депутатонт содокладонзо.

Теньсэ Мордовской АССР-нь Верховной Советэнь 1-це созывень V-це сессиянт васенце заседаниянзо прядовсь.

ИНФОРМАЦИОННОЙ СООБЩЕНИЯ

Мордовской АССР-нь Верховной Советэнь V-це сессиянт апрелень 16-це чинь омбоце заседаниядонзо

Апрелень 16-це чистэ валске 10 часотс Мордовской АССР-нь Верховной Советэнь заседаниянтненъ залсонть ульнесь Мордовской АССР-нь Верховной Советэнь V-це сессиянт омбоце заседаниязо.

Председательствует — Мордовской АССР-нь Верховной Советэнь Председателсь В. П. Петушков ялгась.

Чинь порядоксонть—1941 иентень Мордовской АССР-нь государственной бюджетт докладонт ды 1940 иенть кис Мордовской АССР-нь государственной бюджетэнт топавтомасо отчетонт обсуждениась.

Прениятнесэ выступили депутатнэ И. П. Начаркин, Д. Ф. Учайев, трудиянт депутатнэ Ардатовской райсоветэнь Исполкомонь председателсь Е. Ф. Бурмистров, депутатсь Д. Д. Ускреев, Теньгушевской райсоветэнь исполкомонь председателсь А. В. Ивлиев,

Ковылкинской Райсоветэнь Исполкомонь Председателсь И. К. Андриянов, депутатсь Ф. Н. Рогачев, Инсарской Райсоветэнь Исполкомонь председателсь Е. Ф. Винокуров, МАССР-нь СНК-со искусствань тевтненъ коряс Управлениянь начальниксь депутатсь В. В. Лобанова, Мельцанской Райсоветэнь Исполкомонь председателсь П. В. Давыдов, депутатсь Л. С. Кузнецов, МАССР-нь просвещения наркомось Молин ялгась, депутатнэ Н. И. Юрков, Г. А. Мосев, Г. Д. Дмитриев ды лият.

Чокшнненъ заседаниясонть чинь порядоконь васенце пунктонт коряс прениятнесэ выступали депутатнэ Н. И. Васильев, П. Ф. Смирнов, Н. А. Гулянин, МАССР-нь земледелия наркомось С. Д. Карпов, депутатнэ М. С. Титов, Ф. Е. Храпунов ды лият.

МОРДОВСКОЙ АССР-нь ВЕРХОВНОЙ СОВЕТЭНЬ 1-це СОЗЫВЕНЬ V-це СЕССИЯСЬ

1941 иентень Мордовской АССР-нь Государственной бюджеттэнтъ

Мордовской АССР-нь Финанстнэнь Народной Комиссаронть И. Д. Кольчугин ялганть докладозо*)

Депутат ялгат! Мордовской АССР-нь Народной Комиссартинь Советэсь максы тынень ванкшномас ды кемекстамос 1941 иентень Мордовской республикань государственной бюджетэнтъ.

1941 иентень Мордовской АССР-нь государственной бюджетэсь теезь 1941 иень народно-хозяйственной планонть марто соответствиясо ды нейти Мордовской республикань хозяйственной ды культурной касоманзо. Ютазь 1940 иесь ульнесь Мордовской республикань народной хозяйстванть касомань иекс. Местной промышленности ды промкооперациянь продукциясь ютазь иентъ перть кассь 19,6 проценте, республикась кавто раздо седе ламо сайсь зёрнань валовой сбор, крупной рогатой скотинань поголовьясь ламолгадсь 10 проценте, а колхознэва—42 проценте. Туловнень коряс поголовьясь ламолгадсь 41 проценте, реветнень коряс—41,7 проценте.

Мордовиянь трудиятне ВКП(б)-нь XVIII-це конференциянь решениятнесэ вооруженнойкс улезь, весе Советской Союзонь трудиятнень марто вейсэ, коммунистической партиянь ды минек великой вождентъ Сталин ялганть руководстванзо коряс добовить коммунизм строятмосонть од успехъ.

1940 иентъ кис бюджетэнтъ топавтомань итогтне

1940 иентень МАССР-нь государственной бюджетэсь доходтнэнь коряс топавтозь 146.289,3 тыща целковоень суммасо, расходтнэнь коряс жо 143.960,7 тыща целковоень суммасо.

Народной хозяйствась финансировазь 17.229,3 тыща целковоень суммасо, социально-культурной мероприятиятне 101.105,5 тыща целковоень суммасо. Промышленность эсензэ бюджетэнзэ топавтызе 116,1 проценте, коммунально-жилищной хозяйствась—104,3 проценте. Эрва кодат местной доходтнеде поступили 118,4 процент, местной налогтнеде—104,2 процент ды государственной налогтне, конат максозь местной бюджетс топавтозь 120,7 проценте.

Эзизь топавто бюджетэнтъ икеле эсь обязательства МАССР-нь Наркомземнь хозяйственной организациятне ды машинно-тракторной станциятне 2.700,0 тыща целковоень туру ды лият. Беряньстэ топавтэсь бюджетэст расходтнэнь ды доходтнэнь коряс Пурдошанской, Ширингушской, Рузаевской, Саранской, Торбеевской районтнэ.

1941 иентень Мордовской АССР-нь бюджетэнтъ доходонзо

Мордовской АССР-нь государственной бюджетэсь, конань примизе МАССР-нь Совнаркомось ды максови МАССР-нь Верховной Советэнь сессиятнень кемекстамос, доходтнэнь ды расходтнэнь коряс ашти 151.474,7 тыща целковоень суммасо. Бюджетэнтъ доходной частезэ ашти истят основной поступлениятнесэ: прибылтьнестэ отчисленият—8.253,0 тыща целковой, оборотсто налогтнесэ отчисленият—78.272,0 тыща целковой, подоходной налог ды предприятиятнень, организациятнень пельде лия налогтнесэ—31.714,8 тыща целковой, населениянтъ пельде налогтне ды сбортнэ—23.508,9 тыща целковой, местной налогтне ды сбортнэ—2.516,0 тыща целковой, отчисленият государственной заемтнесэ—7.210,0 тыща целковой.

Невтэзь даннойтнесэ нейти, што республикань государственной бюджетэнтъ основной доходке ашти социалистической хозяйстванть доходтне, конат бюджетэнь весе доходтнэнь эйстэ составляют 82,8 процент.

*) Докладось печатави нурькалгавтозь стенограммань коряс.

Оборотсто налогось

Оборотсто налогонть эйстэ поступлениятне бюджетэнь доходной частезэнь тешкстазь 78.272,0 тыща целковоень суммасо, мезесь составляет бюджетэнь доходной частезэнь общей



объемностязо 51,7 процент. Доходонть те источникентъ топавтоманзо эйстэ ламодо карми аштеме бюджетэнь расходной частезэнь коряс тешкстазь мероприятиятнень эсь шкасто финансированийсэ.

Ютазь иентэнтъ республикасонть государственной доходтнэнь планось апак топавто.

Зарья промышленной предприятиянь ды хозяйственной организациянь руководителтьне безответственна относятся бюджетной обязательстватнень топавтомантень, кирдить бюджетэнтень пандоманть, эзть максне отчетность, эзть невтне целанек доходтнэнь. Общепиттрестэнь рестораноь 1940 иень июль ковонть самс кирдсь недоимка, 1.658 целковой, теке шкастонть жо эсензэ счетонзо лангсо ярмаконзо ульнесь зарья раз седе ламо, чем недоимкась, но яла теке налог эзь пандо.

Вана вейке пример, кона корты государственной обязательстватнень топавтомантень башка руководителтьнень аволь государственной подхотонть. МАССР-нь Наркомфинэсь пачтась МТМ-нь трестэнтень, штобу сон каявлнзе бюджетэнтень налогоонзо. Трестэнь управляющееень обязанностьнень топавтыцясь сёрмадсь Наркомфинэнь отношениянтъ лангс: «Гордеев ялганть—сёрмадомс резкой формасо обоснованной ответ, штобу икелев сын не увлекались принудительной списываниясонть.

Большаков.

1940 иестэ Наркомфинэнь ревизортнэнь ды райфонь инспектортнэнь вельде организациятнень отчетост проверямонть результатос савсь дополнительна начислить оборотсто налог 3.300 тыща целковоень туру. Мон должен меремс, што оборотсто нологонть эйстэ бюджетэнтень отчислениятнень поступлениянтъ мельга контролесь финансовой органтнэнь ёндо аравтозь аволь удовлетворительна.

Прибылтьнестэ отчислениятне

Прибылтьнэнь эйстэ отчислениятнеде бюджетэнь доходонть тешкстазь 8.253,0 тыща целковой, 1940 иентъ коряс 5.025,0 тыща целковойде седе ламо. Социалистической промышленности бюджетэнтень должен максомс 3.423,2 тыща целковой, 1940 иень фактической поступлениянтъ коряс 1.642,1 тыща целковойде седе ламо. Государственной торговли прибылтьнестэ отчислениятне тешкставить 2.025,0 тыща целковоень суммасо, 1940 иестэ

580,0 тыща целковойтнень таркас.

Прибылтьнэнь коряс отчислениятнень покшолгадомась теевсь валовой продукциянь нолдамонть покшолгавтоманзо коряс, себестоимостентъ ды обращениянь издержкатнэнь алкинъгавтоманть счетс. Республиканской промышленности нолдавица продукциянтъ себестоимостензэ алкинъгавтоманть вельде должен максомс накопления 1.524,0 тыща целковой.

Седе тов Кольчугин ялгась корты, што ВКП(б)-нь XVIII-це конференциясь Маленков ялганть докладонзо корясэсь резолюциясонзо сермадсь: «Промышленность зарья отраслитнева, сырьань, материалтнэнь, уштомапелентъ, электроэнергиянтъ нолдазь перерасходтнэнь кувалма, браконть эйстэ ды лия бесхозяйственной расходтнэнь кувалма, апак топавто промышленной продукциянтъ себестоимостензэ алкинъгавтоманть коряс планось». Те целанек касаетсэ минек республикантеньгак. 1940 иестэ республиканской ды районной промышленностиканть планонь коряс должен улеме продукциянь себестоимостентъ алкинъгавтома 1.075,0 тыща целковоень питне, но минь хозяйственной иентъ прыдынек нолдазь продукциянтъ себестоимостензэ покш питнейгавтома марто.

Себестоимостентъ касомазо,—корты докладчикесь,—лись заработной платань фондонь перерасходонть эйстэ, кона республиканть келес пачкодсь 576,5 тыща целковойс.

Невтян кой-зарю примерт государственной ярмактнэненъ истямо бесхозяйственностентъ коряс. Строительной материалтнэнь промышленностенъ управлениясь 1940 иень планонзо топавтызе ансяк 52 проценте, нолдазь продукциянтъ себестоимостензэ планонть коряс кастызе 295 тыща целковойс. Ветснабонь республиканской конторась планонь коряс должен максомс накопления 120 тыща целковой, макссь жо 24,7 тыща целковой убытка. Конторась не мог снабдить эрвикс медикаментсэ ветучреждениятненьгак. Те лись секс,—корты Кольчугин ялгась,—што конторась путынзе оборотной средстванзо аволь ходовой товартнэс ды мейле ушсон не мог нормальна ветьямс эсь хозяйственной деятельностинэсэ.

Наркомторгонь предприятиятне 1940 иентъ перть списали дебиторской задолженность недостатчанть, растратанень ды лия задолженностенъ коряс 387 тыща целковой. Пандэсь штраф ды пеня 104 тыща целковой. 1941 иень январень 1-це чинтень дебиторской задолженностес Наркомторгонть пачтазь 810 тыща целковойс. Ютазь иестэ истяжо беряньстэ роботась Наркомхозонть строительной трестэсь. Сон производственной программанзо топавтызе ансяк 64 проценте, макссь жо убытка 564,5 тыща целковой. Тесэ строительствасонть учетось аравтозь овси лавшосто.

Машинно-тракторной станциятнень пельде доходось

1940 иентъ бюджетэнтень МТС-тнэнь пельде отчислениятнеде ульнесь тешкстазь 4.350 тыща целковоень суммасо, поступили жо ансяк 1.728,0 тыща целковой. 1940 иентэнтъ МТС-тнэнь пельде бюджетэ апак максо 2.622,0 тыща целковой. 1940 иень производственной планост МТС-тнэ топавтызь 84,3 проценте, тейстэ средстватнэнь перерасход 2.387,0 тыща целковой.

Эрви тешкстамс, што МТС-тнэнь директортнэ ды расчетонь коряс сынст заместителест овси аламо мель явить колхозтнэнь пельде ярмактнэнь ды натуральной платежтнэнь шкастост пандомантень. Счетнэ колхозтнэнь туртов максневить пек псэда. Рузаевской

МТС-сь «Серп и молот» колхозсо роботань примамодо актонть подписал июнень 21-це чистэ, а счетонть максызе ансяк августонь 24-це чистэ. Истят факт можна невтемс пек ламо.

1941 иентэнтъ МТС-тнэнь доходост пельде МАССР-нь бюджетэнтень отчислениятне тешкстазь 2.128,6 тыща целковоень туру, те седе аламо чем 1940 иентэнтъ. Аламолгадомась моли отчислениянтъ процентэнь алкинъгавтоманть счетс. Штобу топавтомс тешкстазь сумманть поступлениянтэ эрви 1941 иентэнтъ топавтомс производственной планось ды обеспечить ярмаконь ды натуральной пандомань весе начисленной поступлениянтнэнь.

Подоходной налогось ды предприятиятнэнь, организациятнэнь пельде лия налогтне

Подоходной налогось ды предприятиятнэнь, организациятнэнь пельде лия налогтне бюджетэнтъ доходе тешкстазь 31.714,8 тыща целковой. Те доходонь группанть коряс,—корты Кольчугин ялгась,—эрви тееме зарья замечаният.

1941 иентэнтъ промкооперациясь должен максомс продукция 1932 иень а полавтневикс питнетнесэ 52.858,2 тыща целковой, 1940 иентъ коряс 9.109 тыща целковойде ламо ды 1939 иентъ коряс 18 миллион целковойс седе ламо. Промкооперациянтъ роботасо улить зарья асатыкст, конат мешить накоплениянтъ планонть топавтомантень. Улить аволь доброкачественной товаронь нолдамонь факт. Потребительской кооперациянтъ ульнесь убытканзо штрафтнэнь, пенянтъ, недостатчанть, браконть эйстэ убыткатнеде ды лиядо 3.962,0 тыща целковой, растратат ды саламот 1940 иентэнтъ ульнесь 1.101,0 тыща целковой. Весе те пек влиял потребкооперациянтъ финансовой состояниязо лангс.

Населениянтъ пельде налогтне ды сбортнэ

Населениянтъ пельде налогтнэнь ды сбортнэстэ бюджетэнь доходонть общей суммась тешкстазь 23.580,9 тыща целковой, мезесь составляет бюджетэнь общей доходонть 15,5 процент.

Бюджетэнь доходной пелькссэнтъ населениянтъ пельде налогтнэнь ды сбортнэнь коряс планонть топавтомась веши финансовой органтнэнь ды местной Советнэнь пельде оперативность, революционной законностенъ ванстомань ды налогоплательщиктнэнь ютксо кеме платежной дисциплинанть. Седе тов Кольчугин ялгась 1940 иентъ кис те налогонь пандоманть молеманзо анализэнтъ теезь, корты, што налоговой платежтнэнь коряс плантнэнь качественной топавтомась а ответчи партиянь XVIII-це конференциянь решениятнэненъ. Бути те иень васенце кварталонь налоговой платежэнь планось республиканть топавтозь 109 проценте, то теке шкастонть вельхозналогось топавтозь 96 проценте, велень культсборось—97 проценте, ошонь культсборось—93 проценте. Республикасонть вете районт эзизь топавто квартальной планост. Рузаевской, Пурдошанской, Торбеевской, Зубово-Полянкой, Саранской ды Кочкуровской районтнэ роботыть яла беряньстэ, а топавтыть средстватнэнь мобилизовамонь коряс квартальной планост ды нолдтнэнь налогтнеде законтнэнь колсемат.

Государственной страхованиясь

Государственной страхованиянтъ, кода обязательнонь, истяжо добровольноенькак ули пек покш значениянзо. Колхозтнэ, колхозниктне, робочейтне

(Пезз 3-не страницасо).

МОРДОВСКОЙ АССР-нь ВЕРХОВНОЙ СОВЕТАНЬ 1-це СОЗЫВЕНЬ V-це СЕССИЯСЬ

Мордовской АССР-нь Финанснэнь Народной комиссаронть И. Д. Кольчугин ялганть докладозо

(Пезэ)

ды служащейне государственной страхованиянь вельде получахныть ярмакхонь покш леске. 1940 иестэ Мордовской АССР-ганть госстрахонь органтэ пандеть страховой убыток 5.753 тыща целковой.

Противопожарной мероприятияне ды ветлечебнипатне, амбулаторияне ды черепичной заводтне строямос минь поддано 1.875 тыща целковой.

Эрви тешкстам, што ветеринарной ды черепичной строительства поддавикс средстватне освоения моли аволь удовлетворительна. Земельной органтэ должны целанек ды видестэ ютавтомс тево поддавикс средстватне.

Финансовой органтэ ды госстрахонь работниктне эрви вадрыгавтомс роботанть страхования добровольной видентэ коряс.

Государственной заемне ды сберкассас вкладтне

Колмоце Пятилеткань (3-це иень выпусконь) заемонть лангс подпискась Мордовской АССР-ганть ютавтоз 20.680 тыща целковой лангс, 1939 иентэ коряс 4.500 тыща целковойде ламос. Колхозниктне ютксо подпискась 1939 иентэ коряс 1940 иестэ кассы 1325 тыща целковой.

Успешнасто моли подписанть лангс ярмактне каямос. Апрель 1-це чис колхозниктне каясть весе подписной сумманть эйстэ 93 процент, рабочейне ды служащейне—85 процент.

1940 иестэ Мордовиянь сберегательной кассатне максты населениянтень выигрышт ды заемонь коряс процент 1.765,3 тыща целковой, 1939 иестэнь жо ульнест максо—1.093,3 тыща целковой.

Заемовть коряс вадра роботанть марто ве шкасто, сави тешкстам, што зярря районсо, кода Рыбкинсо, Теньгушевасо, Торбеевасо, Ладасо, Б.-Игнатовасо пек лавшосто моли заемонь подписанть пурнамо. Неть районтэсэ пурназ 70—80 процентс.

1941 иестэ государственной заемне стэ МАССР-нь бюджете отчисленияне тешкстаз 7.210 тыща целковой. Штобу топавтомс те бюджетной планонть, эрви парсте аноктамс од заемонть размещениянть ды кураксто пурнаме 1940 иень подписанть коряс еще апак кая взностанть.

Касс республиканснть сберегательной кассань сетесь. 1939 иень январень 1-це чинтень сберегательной кассатнеде ульнест 135, 1941 иень январень 1-це чинтень сынет эйстэ кармасть улеме 253, вкладтнэнь остатоксто жо ульнест теке жо чинтень 14.865 тыща целковой.

Эрви тешкстам, што зярря районсо сберегательной кассатне роботыть шек беряньстэ. Республикань 7 сберкассатнесэ 1941 иень январень 1-це чинтень эзь ульне вкладт вейкеяк трешник. Те корты седе, што сберегательной кассань зярря работниктне роботыть овси асатышкосто. Сберкассань работниктне должны овси одс аравтомс эзь роботаст иста, штобу сберкассань эрва работниктне улевель населениянтэ ютксо активной агитаторокс, од вкладтнэнь организаторокс.

Бюджетнэ доходной частентэ топавтомадонзо кортаз, кона ловозь 151.474,7 тыща целковой суммасо, Кольчугин ялгас терди наркомонь, предприятиянь, хозяйственной ды торговой организациянь руководителтне целанек топавтнемо производственной программатне, себестоимостентэ алкингавтоманзо коряс заданиянтень ды накоплениянть плантнэнь.

1941 иентень Мордовской АССР-нь государственной бюджетнэ расходтне

Мордовской АССР-нь государственной бюджетканть расходтне ловозь

1941 иентень 151.474,7 тыща целковойс. 1940 иень расходтнэ коряс 1941 иень расходтне касыть 7.784 тыща целковойс.

Мордовской АССР-нь государственной бюджетнэ ярмактнестэ поддавикс: народной хозяйства 16.039,2 тыща целковой, социально-культурной мероприятия—111.762 тыща целковой, управления—19.631 тыща целковой, лия расходтнэ—4.042,5 тыща целковой. Государственной бюджетнэ весе расходтнэ 84 процентнэ явовить народной хозяйствантэ ды социалистической культуранть развитияс.

Промышленностентэ финансированиясь

Верховной Советнэ сессиянтень ваномас максо 1941 иентень бюджетстэнь промышленностентэ финансированияс арсеви поддамс 2751,3 тыща целковой, сынет эйстэ: оборотной средстватне пештамос 919,6 тыща целковой, капиталной вложениянтэ ды аволь лимитной затратне 1.595,2 тыща целковой, ссудатнэнь пандома ды государственной дотация 236,5 тыща целковой.

Бюджетной средстватнеде башка капиталной строительства ды аволь лимитной затратнэс промышленной предприятияне должны путомс эсест средстват 578 тыща целковой ды банковской кредит 5.562,5 тыща целковой.

Эрви тешкстам, што 1940 иестэ местной промышленностентэ наркоматос эзь ютавто промышленностентэ келейгавтомас поддаз средстватнэ 236 тыща целковой. Тень кувалт кода наркоматнэ, истажо промкооперацияне од предприятиянтэ организавомонь планос апак топавто.

Советнэ исполкомтне ды наркоматнэ обязаннойтэ примаме весе мератнэнь 1941 иестэ од предприятиянтэ строямонь планонть топавтомантэнь.

Велень хозяйстванть финансированиясь

Велень хозяйстванть финансированиясь 1941 иестэ арсеви поддамс 4.612,8 тыща целковой. Теде башка, государственной бюджетанть коряс МТС-тнэнь финансированияс поддавикс 43.571 тыща целковой.

Бюджетанть коряс велень хозяйстванть каднатнэ аноктамос подднэвить ламо ярмакт. 1939 иестэ колхозной школатнэ (техникумтнэ апак лова) ульнест ютавтоз 755,3 тыща целковой, 1940 иестэ подднэвить 732,8 тыща целковой. Поддавикс средстватнэ лангс республикань земельной органтэ 1940 иестэ должны ульнест аноктамс 3.210 ломань, аноктасть жо июлень васенце чис ансяк 791 ломань. 1940 иестэ велень хозяйстванть каднатнэ аноктамонь планос апак топавто.

Земельной органтнэнь ды МТС-нь работниктнэнь эрвистэ ловомс ютаз иень асатыктнэнь ды примаме мератсень, штобу 1941 иестэ сынет а поддамс.

Жилищно-коммунальной хозяйстванть финансированиясь

1941 иень бюджетанть коряс жилищно-коммунальной хозяйстванть арсеви ютавтомс 6.237,1 тыща целковой, сынет эйстэ: жилищной хозяйства 1.913,7 тыща целковой, коммунальной предприятиянтэ ды благоустройствас 3.403,4 тыща целковой, тень ютксо: районной центратнэнь ды рабочей поселкатнэнь благоустройствас 1 миллион целковой ды противопожарной мероприятиянтэ 920 тыща целковой.

Кой-кона районтэсэ благоустройствас поддаз ярмактнэ ютавтыз аволь назначениянть коряс. Жилищно-коммунальной хозяйства поддавикс средстватне должны ютавтнемо видестэ, назначениянть коряс.

Кинь теаманть финансированиясь

1940 иестэ кинь строямонь планонть Дорожной Управления эзизе топавто, бюджетанть коряс поддавикс средстватне жо ютавтоз почти целанек.

Тесэ шумот финансовой работниктне, конат финансировасть дорожной организациинтэ аволь роботанть топавтоманзо коряс. Дорожной организациинтэ финансированиянтэ эрви аравтомс иста, штобу сон целанек молевель производственной планонть топавтоманзо коряс.

Социально-культурной мероприятиянтэ финансированиясь

1941 иестэ социально-культурной мероприятиянтэ арсеви ютавтомс 111.762 тыща целковой, мезес ашти республикань бюджетанть общей объемонтэ 73,8 процент.

Покш тарка занить просвещенияс расходтне—81.092 тыща целковой. Мордовиянь школатнесэ 1941 иестэ кармить тонавтнемо 192.800 ломань, эйкакшонь садтнэс кармить улеме 1.920 эйкакш, детдомтнесэ—1.062 ломань, техникумтнесэ кармить тонатнемо 5 тыща ломань. Просвещенияс поддаз средстватнэ освоенияс кода финансовой органтнэ, истажо Наркомпросонь органтнэ чумост коряс молись аволь удовлетворительна. 1.575,7 тыща целковой кадовсь апак ютавто, конат поддазель учебной расходтнэ, тонавтнемань пособиянтэ ды оборудованиань рамамос. Здравоохраненияс бюджетанть коряс тешкстави ютавтнемо 28.662 тыща целковой 1940 иентэ коряс 4.344 тыща целковойс седе ламо.

Здравоохранениянть мероприятиянтэ финансированиясь зярря районга ютаз иестэ молись покш перебой марто. Наркомпросонтэнь ды Наркомздравонтэнь эрви целанек ды похозяйскис ютавтомо поддавикс средстватнэ, кемекстамс финансовой дисциплинанть ды вадрыгавтомс внутриведомственной контролентэ.

Финансовой органтнэнь задачкаст эсь шкасто ды перебойтне финансировань социально-культурной мероприятиянтэ.

Социальной обеспеченияс расходтнэс тешкстнэвить 1.772 тыща целковой, 1940 иентэ коряс 330 тыща целковойс седе ламо.

Управлениянть лангс расходтне

Государственной управлениянть органтнэнь лангс тешкстави ютавтомс 1941 иестэ 19.631,3 тыща целковой, 1940 иентэ коряс 1.900 тыща целковойс седе аламо.

Минек республиканьтэ весе организациине 1940 иестэ киртаз 2.060 должностной единица, 424,9 тыща целковой конов зарплатань фонд марто.

1941 иестэ кой-кона предприятияне ды хозяйственной организациине штатнэнь регистрацианть пингста киртаз 163 единица, 537,6 тыща целковой иень зарплатань фонд марто.

Яла теке, зярря организация штатнэ еще покшт, кой-кона организацияне жо лишнойтэ. Ули минек «Торгбанк», кона вети промкооперациянтэ ды торгующей организациинтэ кредитованиянть. Неть операциянтэ кис сон получи процент. 1940 иестэ «Торгбанкос» доход получаь 68,3 тыща целковой, аппаратонть лангс жо ютавтыз 75.730 целковой. Сэвстэ 7.400 целковойс седе ламо, чем заработали.

Минек предприятиянтэ управленческой аппаратонть удельной весэзэ покш. Вана, примеркс, Наркомпищепромонь областной промышленност-

канть 1937 иестэ управленческой аппаратос ульнест рабочейтнэнь общей числантэнь 15,7 процент, 1940 иестэ жо—22,1 процентс.

Предприятиянть кой-кона руководителтне управленческой аппаратонть кешнить цеховой ды производственной персоналонть ютксо. Пенсковой комбинатос управленческой аппаратонь 22 ломань (комбинатонь дирекциянтэ кучер, конторань уборщица, каднатнесэ заведующей ды лия) кирдсь цеховой расходтнэнь счестс. «Дубитель» заводонь руководителтне управленческой персоналонь штатто вельскса единицанень кирдемас ды зарплатань аволь законна кастамос ютавтыз 38 тыща целковой.

Советнэнь кой-кона исполкомтне, кода Ардатовское, Рузаевское ды лия, тейнест зарплатанть кастаманзо коряс аволь законной решениянтэ. Финансовой органтнэнь колсест зарплатанть закононть.

СССР-нь ды РСФСР-нь Народной Комиссартнэнь Советнэ примаст постановлениянтэ, конатнесэ невтневи финансовой органтнэс штатной роботанть овси аволь удовлетворительной состоянианзо лангс. Финансовой органтнэнь задачкаст нурька шкас маштомс штатной роботасонть весе асатыктнэнь. Эрви вадрыгавтомс контрольно-ревизионной роботанть ды седе вадрысто бороямс государственной бюджетной дисциплинанть кис.

Районтнэнь ды оштнэнь бюджетэс

1941 иентень МАССР-нь районтнэнь ды оштнэнь бюджетэс аравтови 115.970 тыща целковой суммасо, 1940 иентэ коряс 15.795 тыща целковойде ламос. Саранск ошонтэ бюджетэсэ 1940 иентэ коряс касы 18 процентс. Рузаевка ошонтэ бюджетэсэ 1940 иентэ коряс касы 37,6 процентс. Районтнэнь бюджетэс 1940 иестэ фактически топавтоз коряс касыть 14,4 процентс.

Советнэ исполкомтнэнь ды финансовой органтнэнь задачкаст обеспечить местной бюджетнэ целанек ды видестэ топавтомасто кода доходтнэнь коряс, истажо расходтнэнь коряска.

Эрви тешкстам, што 1940 иестэ ламо райсоветтэ ды финансовой органт овси аволь удовлетворительнасто роботаст доходтнэнь топавтоманть коряс, эзь бороця сень кис, штобу поступленияс тешкстаз эрва целковосе саволь бюджетс. Те пачтась сенень, што районтэ эзиз топавто бюджетнэ доходной частентэ.

Улит факт, зардо аволь видестэ ютавтыз средстватнэнь. 26 районга поддаз управлениянть коряс перерасход. Райсоветнэ ды райфинотделтнэ подднэсть перерасходт управлениянть коряс, теке шкастонть жо беряньстэ финансировасть социально-культурной мероприятиянтэ. Ардатовской ды Ширингуской районтэ управлениянть коряс тейстэ перерасходт 55 тыща целковой, школьной ды медицинской работниктнэнь зарплатанть жо эсь шкасто эзь максо. Истамо положения ульнест лия районтэсэ.

Депутат ялгат! Верховной Советантэнь ваномас максо государственной бюджетэс ашти Мордовиянть народтнэнь хозяйствас ды культурист седе тов кастамань программас.

Государственной бюджетнэ топавтомасть—весе советской ды хозяйственной организациинтэ ды минек республикань эрва гражданианть ответственной хозяйственно-политической задачка.

Минек республикань трудиянть депутатнэнь Советнэ ды хозяйственной органтэ, XVIII-це Всесоюзной партконференциянтэ решениянзо эрмос ютавтоз, ВКП(б)-нь Центральной Комитетанть ды минек вождентэ ды учителентэ Сталин ялганть руководства коряс целанек топавтнэ 1941 иентэнь примаз бюджетанть. (Аплодисментт).

Массовой гимнастической соревнованиятне

Мезде кортыть предварительной итогтне

ВЛКСМ-нь обкомось тейсь гимнастической соревнованиятне предварительной итогт. Апрельнь 6-це чистэть сазь соревнованиятнесэ примасть участия 17,5 тыща ломань, конатнесэ 16 тыща ломанде ламо максызь ГТО-нь 1-це ступенень ды ГТО-нь норматненъ.

Апрельнь 14-це чинтень республикасонть васенце тарканть саизе Мельцанской районосъ (ВЛКСМ-нь райкомонь секретаресь Лунченкова ялгась). Парсте истя жо молить соревнованиятне Инсарской, Темниковской районтнесэ ды Саранск ошонть. Неть райононь организациятнесэ соревнованиятнесэ участвовиця комсомолецтнень процентсь сех покш.

Минек од ломатненъ ули пек покш мелест ды бажамост овладеть спортонть те замечательной видсэнь, кодамокс ашти гимнастикась. Гимнастической упражнениятне теевкшнить массовой занятиякс. Комсомольской эрва руководителенть задачазо ашти сенсэ, штобу топавтом комсомолецтнень ды аволь союзной од ломатненъ мелест, лездамс тенст теевемс вадра гимнастике.

Райкомтне, горкомтне ды первичной организациятне должны ютавоме гимнастической соревнованиятнень истя, штобу эрва комсомолецсэ примаволь участия сынет эйсэ, штобу седе ламо вовлечь соревнованиятненень аволь союзной од ломать.

Тень коряс минек зярря районга еще беряньстэ ашти тевесъ. Истя, примеркс, Кадощинской, Б.-Березниковской, Ковылкинской районтнесэ ды Рузаевской городской организациясонть гимнастической соревнованиятне ютавотить пек састо. Кадощинской районсо (райкомонь секретаресь Скворцова ялгась) апрельнь 14-це чис комсомолецтнень соревнованиятнесэ примасть участия ансяк 10 процента.

А. Драняев,

ВЛКСМ-нь обкомонь военно-физкультурной отделенъ заведующей.



Саранской педучилищань тонавничась Поля Сулакина тейни упражненият кольцяс.

Фотось Б. Козловонь.

ВЕСЕ ОТЛИЧНАСТО

Физкультурной залсонть ули перекладина, кустима, сэрсь аравтоз тумонь жердя, верде нурыгить кшнинь кольцят. Вана вейке од цёра илиштинзе мускулав кедензэ ды кармазь кепсевеме брусъяс. Мейле тейнесъ зярря упражненият турниксэ, кольцясэ ды перекладинасо. Сондензэ мейле некетъ жо упражнениятненъ вейке-вейке мельга теизь 12 комсомолец.

— Отлична весеменень!—яволявсь од цёрасъ, кона сех икеле теинзе упражнениятненъ. Те ульнесъ гимнастической группань руководитель—Иван Орехов.

П. Саля.

Ковылкинской р-н,
«Красный партизан» колхоз.

Ромодановской райононь комсомольской организациятнесэ

Строевой эскелкссэ од тейтертне совасть залонтень. Сех икеле—десятькань командиресь А. Сергеева ялгась. Сон макссь команда «смирно». Евтась рапорт соревнованиятненъ коряс судьянтень А. Филипповская ялгантень ды четкой командань коряс весе кармасть плавно, точно, смелстэ тейнеме гимнастической упражнениятненъ. Эрва движениястонть неяви ловкость, отработанность...

Кавксопе упражненианть прядомадо мейле кевкстезельть судейской коллегиянь члентнэ: кинь кодамо ули замечаниязо? Замечаният арасельть. 10-це «Б» классонь тонавничатне комсомолкатне зарядкань коряс норматненъ максызь парсте... Залонтень совась Н. Вдовина комсомолканть командазо.

Истя ушодовсь апрельнь 13-це чисэ ГТО-нь значок лангс гимнастической упражнениятненъ коряс зарядкань норматненъ максомась Красный узел станциянь железнодорожной 7-це номер школасонть.

Примасть участия 52 ломань. Сех вадра результатт неветсь комсомольской комитетань секретаренть М. Коровина ялганть командазо.

Гимнастической соревнованиятне келестэ молить весе Ромодановской районганть. ВЛКСМ-нь райкомов састь завкват 77 колхозной, школьной ды учреждениянь комсомольской организациянь пельде. Истямю ладсо, районсонть 80 комсомольской организациятненъ эйстэ 77 организациява молить гимнастической соревнованиятне. Соревнованиятнесэ весемезэ охваченнойть малав омбоце пель тыща од ломань, сынет эйстэ 1.225 комсомолецды комсомолка. Тедэ башка, кавто сядодо ламо допризывникть регулярно занимаются ГТО-нь комплекснень норматненъ коряс.

Е. Пятаев.

Минек агитколлективенть роботазо

Чукало велень колхозниктнень ютксо культурно-массовой работа ветить 40 агитатор. Те иень васень колмо ковтненъ перть ютавтозь 80 доклад ды беседа, конатнесэ ульнесъ 2453 ломань. Агитатортне толковить партиянь ды правительствань решениятненъ, ютавнить беседат международной вопростненъ коряс ды сеть дататненъ коряс, конатненъ тешкстни весе минек масторось.

Минек агитколлективсэнь — учительть, коммунистт ды велень активистт. Агитколлективенть руководителекс кемекстазь учителесъ коммунистэс С. П. Тачков ялгась. Сон эрва ковонтень тейни план, конань коряс моли агитколлективенть весе роботазо.

Сехте вадра агитаторокс лововить И. Г. Купкин, Т. П. Стенькина, С. П. Тачков, П. А. Атюнькин, Н. П. Уткин ялгатне ды лият.

Агитатортне эсь роботаст ветить «Путь Ильича» колхозонь бригадатнева. Весе сынет докладтне, беседатне ютнить покш успех марто.

Колхозсонть агитационной роботасъ лезды хозяйственно-политической вопростненъ успешноно решамонтень.

Н. Базайкин.

Ардатовской р-н.

Соцкультурань кудосонть

Ромодановасо социалистической культурань кудосонть роботыть драматической, струнной ды лия кружокт. Ковозонзо кавксть-колмоксть драмкружоксь тейни постановкат. Апрельнь 13-це чисэ неветель «Таланты из глубины» пьесась. Семенова ялгась морасъ неень шкань зярря морот. Выступили струнной кружоконь члентнэ.

Социалистической культурань кудонть сцена лангсо выступают драмкружоконь кой-кона члентнэ 5—6 иеть, примеркс: Ф. Семенов, М. Новокупцева, А. Семенова ялгатне ды лият. Сынъ пользуются покш успехэс. Но драмкружоконь члентнень ютксо улит истяткак, конат ветить каладомас ДСК-нтъ весе роботанзо. Истямокс, васняк, ашти А. Зайцев. Сон сезизе «В пять утра» постановканть налксеманзо. Репетицияв сеетсь сакшныль иредстэ, кой-зардо жо овси а сакшныль. Эрви драмкружоконть ванькскавомс истят «артистнень» эйстэ ды сонзэ роботанть таргамс талантливой, способной ломать.

Сеетсьэ Ромодановасо соцкультурань кудосонть демонстрируются кинофильмат. Но ломатненъ кодак цидардомаст а саты педа-пев ваноме картинань. Сеетсьэ сезневкшни лентась. Кортамотненъ таркас маряви кодамо бути шалт, вешкема. Вейкеяк вал а чарькодеви. Ломанень фигуратненъ таркас неавить кодат бути изуродованной силуэтт. Эрс истяк, што меельсэ частненъ а невтнесызь. Истя ульнесъ апрельнь 12-це чисэ «Моя любовь» фильманть невтемстэяк. Лиссь киномеханикесь Симон ялгась ды весе вайгельсэ яволявсь: «Ялгат, илядо тукшно, еще аволь весе... мон тенк невтян киножурнал, секс, што картинань меельсэ частесь ёмась...»

Эрви еще меремс, што кинофильматненъ невтеманть ушолить аволь эсь шкасто.

Райононь руководителтне чуросто эрить соцкультурань кудосонть ды сынъ мезеяк ээтъ тее сень коряс, штобу пучоме пе неть безобразиятненень ды парсте аравтом Ромодановань эриятненъ культурной обслуживаниянть.

А. Кузнецова.

Ответ. редакторсь А. ЩЕГЛОВ.

Границань томбале

Мезть сермады иностранной печатесъ нейтралитеттэ советско-японской пактонть теэманзо коряс

Японской печатесъ яла келейстэ толкови СССР-нтъ ды Япониянь ютксо нейтралитеттэ пактонть.

Домей Цусин агентствась пачти, што японской правительствась ванкшнызе ды одобрил нейтралитеттэ советско-японской пактонть ды максызе сонзэ Тайной Советс. Арситъ, што пактонть толковомозо прядови недлянтъ перть.

Столичной печатенть марто ве шкасто Германиянь провинциальной печатесъ сермады СССР-нтъ ды Япониянь ютксо нейтралитеттэ пактонть теэманзо коряс. «Франкфуртер пейтунг» газетась сермады, што кавонест ёнкстнень интереснэньне благоприятной отношениянть результатсо «спорной вопростнезэ решазь мирной ладсо ды нурыка шкасто».

Зярря турецкой газетат сермадсть пактонть коряс передовой статья. «Вакит» газетась тешкстни, што пактонть теэмасть ашти СССР-нтъ успехекс. «Джумхуриет» газетась тешкстнесы пактонть выгодностензэ кавонест ёнкстнень туртов.

Покш мель яви советско-японской пактонть Норвегиянь, Финляндиянь, Даниянь, Аргентинань, Венгриянь, Иранонь, Чилинь ды Румыниянь печатесъ. (ТАСС).

Европасо ды Африкасо войнась

(Апрельнь 16-це чинь военной действиятненъ дневник)

Германской войскактне, конат молить Югославиясо северо-запад ёндо, совасть Сараево ошонтень. Итальянской армиянь моторизованной колоннатне саизь Сплитанть (югославской порт Адриатической морянь берёксонть).

Фронтонь греческой участкасонть прядовсь Западной Македониясо од позициятнес греческой войскактненъ ютамось. Германской моторизованной частне ветить бойть англо-греческой войскактненъ каршо Олимп пандонь районсонть ды сонзэ эйстэ запад ёно. Германской ды итальянской самолётне бомбардировать Грециясо зярря аэродромт.

Албаниясо итальянецтне саизь Эрсеке ошонтъ (аволь васоло греко-албанской границанть эйстэ).

Англо-германской фронтсонть тешкстневи германской авиациянь активностезэ. Германской бомбардировщикень покш соединениятне апрельнь 16-це чинть каршо вестэнь тейстэ налёт Бельфаст портонть лангс (Северной Ирландия). Бомбардировазь истя жо кой-кона военной объектнэ Англиянь восточной ды южной побережьясонть.

Секе жо вестэнь английской самолётне атаковизь зярря пунктнень, конат аштить Северной Германиянь побережьясонть. Атаканть главной объектэкс ульнесъ германской военно-морской базась Килесъ.

Северной Африкасо военной действиятне виевгальть Соллумонь районсонть (либийско-египетской границанть лангсо) ды Тобруконть маласо. Английской частне, конат аштить Тобруксо, тейнить пек виев сопротивления кораблянтень лездамост марто. Рейтер агентствась пачти, што Тобруконь гарнизонстонть аволь покш английской патруальной отрядтне тейнить веть вылазкат, сайнить пленс германской солдатненъ ды тейнить вачкодкст германской колоннань керш флангонтень, кона моли египетской границантень.

Воевиця ёнкстнень авиациясь покш активность ютавты ливийской фронтсонть.

Восточной Африкасо основной операциятне молить Абиссиниясо. Английской частне яла панить отступающей итальянецтнень.

(ТАСС).